



**“CONVENIO PARA A REALIZACIÓN DE ACTIVIDADES CULTURAIS,
DEPORTIVAS, TURÍSTICAS E ASISTENCIAIS SUBVENCIONADAS POLA
ENTIDADE LOCAL**

Reunidos en Burela, a 15 de setembro de 2017

Dunha parte, Don JOSE DIAZ GARCIA, Alcalde por delegación do Concello de Burela, en representación do Concello de Burela, con CIF n.º P2706800F, con domicilio en Burela, rúa Eijo Garay, n.º 20, C. P. 27880, asistido polo Secretario do Concello, D. Víctor Voces López.

E doutra parte D ALFREDO LLANO GARCÍA maior de idade, con DNI n.º 33826978G, na súa calidade de Presidente da Fundación Expomar, con CIF G27231968, á que representa neste acto, co enderezo aos efectos de notificacións Praza da Mariña n.º 13, en Burela.

Ambas as dúas partes recoñécense mutua e reciprocamente a capacidade legal suficiente e necesaria para este acto e libremente:

EXPOÑEN:

PRIMEIRO: Que o Concello de Burela ten o obxectivo de promover á promoción do mundo do mar, especialmente da pesca. Organización de eventos empresariais e organización da feira monográfica do mesmo nome e feira Produar..

Para conseguir este obxectivo, aprobáronse dentro das bases de execución do Orzamento Xeral do exercicio 2017 as subvencións nominativas a conceder a entidades e agrupacións sen ánimo de lucro do municipio.

Consígnase ademais crédito axeitado e suficiente para esta finalidade na partida 433 do citado Orzamento Xeral do exercicio 2017.

SEGUNDO: Que a Asociación Fundación Expomar, é unha entidade dedicada a promoción do mundo do mar, especialmente da pesca. Organización de eventos empresariais e organización da feira monográfica do mesmo nome e feira Produar.

TERCEIRO: Que tanto o Concello de Burela como a Asociación Fundación Expomar, teñen obxectivos comúns e que, polo tanto, é precisa unha colaboración estreita neste ámbito en concreción do recollido na base 46 de execución do orzamento xeral para o 2017.

En virtude do exposto, as partes acordan celebrar o presente Convenio de Colaboración de conformidade coas seguintes:

CLÁUSULAS:

PRIMEIRA: Que a subvención concedida ten carácter discrecional, e o outorgamento da axuda económica vén condicionada no Acordo da Xunta de Goberno Local de data 5 de xullo de 2017 á sinatura do presente Convenio, polo que o beneficiario se compromete ao seguinte:

-Realización da actividade e cumprimento da finalidade que determine a concesión e

Concello de Burela

Rúa Eijo Garay, 20, Burela. 27880 Lugo. Tfno. 982586000. Fax: 982585945



especificamente a promover as políticas sociais e de benestar social, e concretamente, participar na educación da muller e do consumidor en xeral, para facilitar o desenvolvemento das súas facultades, tanto na súa proxección persoal como familiar.

-Proporcionar o persoal necesario para o normal funcionamento da actividade, xa sexa voluntario ou contratado, ocupándose neste último caso das obrigas que leva aparelladas.

-Someterse ás actuacións de comprobación e organización, que os órganos competentes do Concello realicen.

-Notificar ao Concello calquera modificación que se pretenda realizar no proxecto inicialmente presentado, que deberá ser autorizado previamente.

-Facer constar de forma clara que a actividade está subvencionada ou patrocinada polo Concello, nos exemplares dos programas, carteis, convocatorias de actividades e en toda a información gráfica, escrita e sonora que se realice con motivo do programa.

-Presentar ata o día 20 de novembro de 2017 os documentos acreditativos da xustificación da subvención, de acordo co previsto no artigo 72 do Real Decreto 887/2006, de 21 xullo, polo que se aproba o Regulamento da Lei 38/2003, Xeral de Subvencións e na Base 47 das de execución do Orzamento Xeral do Concello de Burela para o exercicio 2017 e que se transcribe a continuación:

"O cumprimento das finalidades que motivaron o outorgamento das subvencións, xustificárase achegando a correspondente documentación que acredite a realización do obxecto da subvención.

A xustificación da subvención deberá presentarse, en todo caso, antes da finalización do exercicio orzamentario correspondente, en caso contrario dará lugar a perda do dereito de cobro total ou parcial da subvención, se perxuízo da celebración, no seu caso do trámite de audiencia legalmente establecido. A documentación a presentar será a seguinte:

1. Unha Memoria da actividade ou actividades realizadas. No seu caso, un exemplar da documentación e propaganda escrita e gráfica relativa á mesma, debendo anunciarse na mesma a colaboración municipal. Sen prexuízo do exposto, o Concello pode sinalar outras condicións particulares en función da natureza ou finalidade da subvención.

2. Certificación, expedida polo perceptor de que foi cumprida a finalidade para a cal se outorgou a subvención, conforme ao proxecto presentado.

3. Cando as actividades foran financiadas, ademais, con outros fondos ou recursos, acreditarase tamén a aplicación de tales fondos ás actividades subvencionadas.

4. Certificados de estar ó corrente do pago das obrigas tributarias e fiscais, tanto estatais como autonómicas e coa Seguridade Social.

A presentación de declaración responsable substituirá á presentación das certificacións previstas no apartado anterior en aquelas subvencións nas que a contía

Concello de Burela

Rúa Eijo Garay, 20, Burela. 27880 Lugo. Tfno. 982586000. Fax: 982585945



a outorgar cada beneficiario non supere na convocatoria o importe de 3.000 euros.

5. Un Estado de Gastos e Ingresos da actividade realizada. Incluirá, baixo responsabilidade do declarante, os xustificantes de gasto ou calquera outro documento con validez xurídica que permita acreditar o cumprimento do obxecto da subvención.

6. Os gastos acreditaranse mediante facturas e demais documentos de valor probatorio equivalente con validez no tráfico xurídico mercantil ou con eficacia administrativa, de acordo co previsto no artigo 30.3 da Ley 38/2003, de 17 de novembro, xeral de subvencións:

O beneficiario deberá figurar obrigatoriamente como destinatario da factura

Expresar con detalle os bens e servizos adquiridos

Debe figurar claramente o nome ou razón social e NIF da empresa que emite a factura e do destinatario

Non se permitirán pagos en efectivo por importe superior a dous mil cincocentos euros. No caso de realizar pagos en efectivo, no documento xustificativo deberá figurar a expresión "recibín en metálico", así como, firma e selo do emisor/proveedor.

7. Certificado bancario de conta corrente da entidade

8. Declaración responsable do representante da entidade, se é o caso, de que está asumindo o custe do IVE derivado dos gastos subveniconables da actividade por non ter a posibilidade de recuperalo ou compensalo.

SEGUNDA: Que o Concello de Burela se compromete a:

Achegar a cantidade económica de 12.000,00 € de conformidade co recollido no Anexo de Subvencións nominativas do Orzamento Xeral do Concello de Burela para o exercicio 2017, coa finalidade de gastos correntes da entidade.

Consideraranse gastos a subvencionar de acordo cos fins recollidos no presente convenio, aqueles gastos que resulten inherentes ao desenvolvemento da actividade na que se basea a concesión da axuda, que sexan imprescindibles para o cumprimento da finalidade para a que se concede a subvención.

Non serán gastos subvencionables os intereses debedores de contas bancarias, os impostos, taxas, recargas e sancións administrativas ou penais, e os gastos de procedementos xudiciais. Exclúense tamén os gastos de investimento non mencionados anteriormente, as comidas e as atencións protocolarias.

Os gastos subvencionables deberán producirse e realizarse dentro do prazo comprendido entre o día 1 de xaneiro de 2017 e o día 19 de novembro de 2017, ambos os dous incluídos.

TERCEIRA: Establécese a obriga por parte da Asociación Fundación Expomar, de reintegrar os fondos no suposto de incumprimento dos requisitos e obrigas establecidas para a concesión e, en todo caso, nos supostos regulados no artigo 33 da Lei 9/2007, de 13 de xuño, de Subvencións de Galicia, e nos artigos 74 a 76 do Real Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de Subvencións de Galicia.

Concello de Burela

Rúa Eijo Garay, 20, Burela. 27880 Lugo. Tfno. 982586000. Fax: 982585945



CUARTA: De acordo co recollido no artigo 17 da Lei 9/2007, de 13 de xuño, de Subvencións de Galicia, a percepción da presente axuda será compatible coa doutras subvencións, axudas, ingresos ou recursos para a mesma finalidade, procedentes de calquera administración ou entes públicos ou privados, estatais, da Unión Europea ou de organismos internacionais. Non obstante, o importe das subvencións en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade subvencionada.

QUINTA: O pago íntegro da subvención realizarase con carácter xeral previa xustificación polo beneficiario da realización da actividade, proxecto, obxectivo ou adopción do comportamento para o que se concede.

SEXTA: No non previsto neste Convenio estarase ao disposto nas bases da concesión da subvención contidas nas Bases de Execución do Orzamento Xeral do Concello de Burela para o exercicio 2017, Lei 9/2007, de 13 de xuño, de Subvencións de Galicia, Real Decreto 11/2009, de 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia, Lei 38/2003, Xeral de Subvencións e Real Decreto 887/2006, de 21 xullo, polo que se aproba o Regulamento da Lei 38/2003, Xeral de Subvencións.

Para que así conste e en proba de conformidade, asinan ambas as dúas partes no lugar e data indicada no encabezamento.

O Alcalde PD,

Asdo: José Díaz García

A Presidente/a

O Secretario

Asdo: Víctor Voces López

Concello de Burela

Rúa Eijo Garay, 20, Burela. 27880 Lugo. Tfno. 982586000. Fax: 982585945